

科 判	正 文
寅二如是學 ^二 卯一結前生後 卯二略廣分別 ^二 辰一略 ^二 巳一總標 ^二 午一喞柁南 午二長行 巳二別釋 ^七 午一應多勝解 ^二 未一徵 未二釋 ^二 申一依處 ^二 酉一標數 酉二列釋 ^八 戌一於三寶功德 戌二於威力 戌三於真實義 戌四於因 戌五於果 戌六於應得義 戌七於得方便	<p>《瑜伽師地論卷三十八》〈本地分中菩薩地初持瑜伽處力種性品第八〉 已說菩薩所應學處。如是應學，我今當說。</p> <p>喞柁南曰： 勝解多求法 說法修法行 正教授教誡 方便攝三業 若諸菩薩，欲於菩薩所應學處，精勤修學，最初定應具多勝解，應求正法，應說正法，應正修行法隨法行，應正教授，應正教誡，應住無倒教授、教誡，方便所攝身語意業。</p> <p>云何菩薩具多勝解？</p> <p>謂諸菩薩於其八種勝解依處，具足成就淨信為先決定喜樂。</p> <p>一者、於三寶功德勝解依處，具足成就淨信為先決定喜樂。謂於佛法僧真實功德具多勝解。 二者、於佛菩薩威力勝解依處，具足成就淨信為先決定喜樂。謂於如前所說威力具多勝解。 三者、於真實義勝解依處，具足成就淨信為先決定喜樂。謂於如前所說真實義具多勝解。 四者、於因勝解依處，具足成就淨信為先決定喜樂。謂於種種如應所攝無顛倒因具多勝解。 五者、於果勝解依處，具足成就淨信為先決定喜樂。謂於種種如應所攝無顛倒果具多勝解。 六者、於應得義勝解依處，具足成就淨信為先決定喜樂。謂於無上正等菩提所應得義，我有堪任定當能得，具多勝解。 七者、於得方便勝解依處，具足成就淨信為先決定喜樂。謂於一切菩薩學道能得方便，由此方便得應得義，具多勝解。</p>

戌八於善說 申二因緣	八者、於善言、善語、善說勝解依處，具足成就淨信為先，決定喜樂。謂於契經、應頌、記別等法具多勝解。 於此八種勝解依處，應知菩薩由二因緣具多勝解：一者、多修勝解故；二者、積集猛利忍故。
---------------	-----------------------------------------------------------------------------------------------

黃一徵 黃二釋 ^二 字一依處 ^三 宙一標 宙二徵 宙三列 字二因緣 黃三結	云何菩薩法思勝解忍？《瑜伽師地論卷四十二》〈本地分中菩薩地初持瑜伽處忍品第十一〉 謂諸菩薩於一切法能正思擇，由善觀察勝覺慧故，能於八種生勝解處善安勝解。 云何八種生勝解處？ 一、三寶功德處，二、真實義處，三、諸佛菩薩大神力處，四、因處，五、果處，六、應得義處，七、自於彼義得方便處，八、一切所知、所應行處。 又此勝解由二因緣，於彼諸處能善安立：一、長時串習故；二、證善淨智故。 是名菩薩法思勝解忍。
----------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------

午二總辨 ^二 未一作業 ^二 申一標略說 申二辨因緣 ^三 酉一總標 酉二別釋 ^三 戌一現行 戌二最勝 ^二 亥一標	《瑜伽師地論卷四十四》〈本地分中菩薩地初持瑜伽處攝事品第十五〉 如是已說多種施、戒，廣說乃至最後同事。其中所有波羅蜜多，能自成熟一切佛法；所有攝事，能成熟他一切有情。當知略說菩薩一切善法作業。 又如前說多種施、戒，廣說乃至最後同事，如是眾多助菩提分無量善法，由三因緣應知現行， 由二因緣應知最勝，由三因緣應知清淨。 謂由身、語、意三因緣故，應知現行。 彼諸善法由廣大故、無雜染故，應知最勝。亦名無上，亦名不共。
------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------

亥二釋 ^二	
天一由廣大 ^二	
地一標	當知此中，由有情無別故、事無別故、時無別故，名為廣大。
地二釋 ^三	
玄一有情無別	有情無別者：謂諸菩薩，普於一切有情處所，普為一切法界有情，修行如是施等善根，非專為己 ¹ 。
玄二事無別	事無別者：謂諸菩薩，普於一切及一切種施等善根精勤受學。
玄三時無別	時無別者：謂諸菩薩，恆常無間不離加行、不捨善軌，若晝若夜、現法後法，即由此因，施等善根常行無替。
天二由無雜染 ^三	
地一標	當知此中，由四種相成無雜染。
地二釋 ^四	
玄一淨歡喜俱	謂諸菩薩懷歡喜心修諸善法；由是因緣，無苦、無憂、無諸變悔。
玄二無不平等	又諸菩薩不損惱他、不著見趣、不雜惡行修行施等無量善根。
玄三殷重	又諸菩薩殷重遍體，於其施等無量善法唯見功德、唯見真實、唯見寂靜，極善決定，不從他緣、非餘引奪而正受學。
玄四無依	又諸菩薩不因所修施等善法希異熟果，或轉輪王、或天帝釋、或魔、或梵；亦不於他希求返報。
地三結	無所依止，不依一切利養恭敬世俗名譽，乃至不依養活身命。
戌三清淨 ^二	由如是相淨歡喜俱、無不平等、殷重、無依，修行施等，廣說乃至同事為後無量善法，名無雜染。
亥一標	由熾然故、無動轉故、善清淨故，應知清淨。
亥二釋 ^二	
天一熾然無動 ^二	
地一標	若諸菩薩已入清淨意樂地者，一切善根熾然無動。
地二釋 ^二	
玄一熾然	言熾然者：謂此菩薩意樂淨故，一切善法不由思擇，熾盛現前。
玄二無動 ^二	

黃一無減	言無動者：謂此菩薩意樂淨故，隨所獲得、隨所積集所有善法皆無退轉，於當來世能無退減。
黃二唯增	如是菩薩，隨所經歷彼彼日夜、隨所過度彼彼自身，所有善法如明分月，唯增無減。
天二善清淨	若諸菩薩住到究竟地、或繫屬一生最後有者，所有善法，名善清淨。此上更無菩薩地攝勝淨法故。
西三總結	如是施等同事為後無量善法，三因緣故應知現行，二因緣故應知最勝，三因緣故應知清淨。

科 判	正 文
壬三增上意樂 ^一 (即增上意樂品) 癸一徵 癸二釋 ^二 子一嗚柁南標 子二長行釋 ^三 丑一七相憐愍 ^五 寅一標 寅二徵 寅三列 寅四釋 ^七 卯一無畏憐愍 卯二如理憐愍 卯三無倦憐愍 卯四無求憐愍	<p>《瑜伽師地論卷四十七》〈本地分中菩薩地第二持隨法瑜伽處增上意樂品第三〉云何菩薩增上意樂？</p> <p>嗚柁南曰： 智者於有情 有七相憐愍 十五勝意樂 作十事應知</p> <p>謂諸菩薩，於諸有情深心發起七相憐愍。以諸菩薩具憐愍故，名善意樂、極善意樂。何等名為七相憐愍？</p> <p>一者、無畏憐愍，二者、如理憐愍，三者、無倦憐愍，四者、無求憐愍，五者、無染憐愍，六者、廣大憐愍，七者、平等憐愍。</p> <p>謂諸菩薩，於諸有情非怖畏故而起憐愍，現行隨順身語意業，適可其心利益安樂，是名菩薩無畏憐愍。</p> <p>又諸菩薩，於諸有情非不如理憐愍而轉，謂終不以非法、非律、非賢善行，及以非處勸授有情，是名菩薩如理憐愍。</p> <p>又諸菩薩，於諸有情如是憐愍，隨其所宜發起一切饒益事業，曾無厭倦，是名菩薩無倦憐愍。</p> <p>又諸菩薩，於諸有情不待求請，自起憐愍，為作饒益，是名菩薩無求憐愍。</p>

卯五無染憐愍	又諸菩薩，於諸有情無愛染心而起憐愍，謂饒益他，不祈恩報，亦不希望當來可愛諸果異熟，是名菩薩無染憐愍，亦名菩薩無緣憐愍。
卯六廣大憐愍	又諸菩薩，於諸有情所起憐愍，唯是廣大而非狹小。言廣大者：謂於一切諸有情所，雖遭一切不饒益事，而不棄捨；菩薩自身寧受非愛，終不以惡欲加於彼。是名菩薩廣大憐愍。
卯七平等憐愍	又諸菩薩，如是相狀、如是功德相應憐愍，普於一切諸有情類平等平等，於有情界無有分限，是名菩薩平等憐愍。
寅五結	菩薩與此七種行相憐愍相應，名善意樂、極善意樂。
丑二十五意樂 ^五	當知此中，淨信為先、擇法為先，於諸佛法所有勝解印解決定，是名菩薩增上意樂。如是菩薩增上意樂，當知略說有十五種。
寅一標	何等十五？
寅二徵	一、最上意樂，二、遮止意樂，三、波羅蜜多意樂，四、真實義意樂，五、威力意樂，
寅三列	六、利益意樂，七、安樂意樂，八、解脫意樂，九、堅固意樂，十、無虛妄意樂，
	十一、不清淨意樂，十二、清淨意樂，十三、善清淨意樂，十四、應調伏意樂，
	十五、俱生意樂
寅四釋 ^三	謂諸菩薩，於佛法僧最上真實起勝意樂，是名菩薩最上意樂。
卯一辨十五相 ^{十五}	又諸菩薩，於所受持淨戒律儀起勝意樂，是名菩薩遮止意樂。
辰一最上意樂	又諸菩薩，於所修證施、忍、精進、靜慮、般若起勝意樂，是名菩薩波羅蜜多意樂。
辰二遮止意樂	又諸菩薩，於法無我、補特伽羅無我、甚深勝義諸法真如起勝意樂，是名菩薩真實義意樂。
辰三波羅密多意樂	又諸菩薩，於佛菩薩不可思議神通威力、或俱生威力起勝意樂，是名菩薩威力意樂。
辰四真實義意樂	又諸菩薩，於諸有情欲以善法而授與之，是名菩薩利益意樂。
辰五威力意樂	又諸菩薩，於諸有情欲以饒益而授與之，是名菩薩安樂意樂。
辰六利益意樂	又諸菩薩，即於如是諸有情所無愛染心，又於當來可愛異熟其心無繫，是名菩薩解脫意樂。
辰七安樂意樂	又諸菩薩，於其無上正等菩提，其心專注，曾無變易，是名菩薩堅固意樂。
辰八解脫意樂	又諸菩薩，於諸有情饒益方便，於大菩提趣證方便，無顛倒智俱行勝解，是名菩薩無虛妄意樂。
辰九堅固意樂	
辰十無虛妄意樂	

辰十一不清淨意樂	又諸菩薩，勝解行地所有一切增上意樂，是名菩薩不清淨意樂。
辰十二清淨意樂	又諸菩薩，從淨勝意樂地乃至決定行地所有一切增上意樂，是名菩薩清淨意樂。
辰十三善清淨意樂	又諸菩薩，到究竟地所有一切增上意樂，是名菩薩善清淨意樂。
辰十四應調伏意樂	又諸菩薩不清淨意樂，是則名為應調伏意樂，由此意樂應思擇故。
辰十五俱生意樂	又諸菩薩清淨意樂、善清淨意樂，是則名為俱生意樂，由此意樂性成就故，於所依中善安立故。
卯二能作十事 ^三	
辰一標	如是菩薩十五妙善增上意樂，隨一切地，以要言之，能作十事。
辰二徵	何等為十？
辰三釋 ^一	
巳一舉依十二 ⁺	
午一依最上意樂	謂諸菩薩最上意樂，能於三寶修一切種最勝供養，普於一切菩提資糧為最第一。
午二依遮止意樂	又諸菩薩遮止意樂，能於所受淨戒律儀，命難因緣，亦不故思犯於所犯；設有所犯，疾疾悔除。
午三依波羅蜜多意樂	又諸菩薩波羅蜜多意樂，能於善法常勤修習無放逸住，常住最勝無放逸住。
午四依真實義意樂	又諸菩薩真實義意樂，能為有情以無染心流轉生死，不入 ¹ 涅槃增上意樂。
午五依威力意樂	又諸菩薩威力意樂，能於聖教覺受淳淨上妙法味。 復能於修起堅固想，欣樂多住，不唯聞思便生喜足。
午六依利益安樂解脫意樂	又諸菩薩利益意樂、安樂意樂、解脫意樂，能於一切饒益有情所作事業精勤修習，雖常修習而無厭倦。
午七依堅固意樂	又諸菩薩堅固意樂，能於種種熾然精進、廣大精進，發起安住無緩加行、無斷加行。
午八依無虛妄意樂	又諸菩薩無虛妄意樂，能於所引彼彼善法速證通慧，不於少分下劣薄弱差別證中而生喜足。
午九依應調伏意樂	又諸菩薩應調伏意樂，能引俱生意樂。
午十依俱生意樂	又諸菩薩俱生意樂，能於無上正等菩提速疾趣證，能與天人作諸義利利益安樂。
巳二略不說三	應調伏意樂即不清淨意樂。俱生意樂即清淨意樂、善清淨意樂，故不別說。

卯三遍攝一切	世尊所有為諸菩薩，於彼彼處種種宣說、施設、開示增上意樂，當知一切即此十五意樂所攝，是故過去、未來、現在妙善意樂諸菩薩眾，於其無上正等菩提曾、當、現證，一切皆由如是所說十五意樂。除此無有若過若增。
寅五結	如是菩薩十五意樂，能得最大菩提果利，是故菩薩依此意樂，速證無上正等菩提。

科 判	正 文
壬八行品 ^三	《瑜伽師地論卷四十七》〈本地分中菩薩地第三持究竟瑜伽處行品第四〉
癸一略舉四行 ^四	菩薩始從勝解行地，乃至最後到究竟地，於此一切菩薩地中，當知略有四菩薩行。
子一標	何等為四？
子二徵	一者、波羅蜜多行，二者、菩提分法行，三者、神通行，四者、成熟有情行。
子三列	
子四釋 ^二	
丑一別辨四行 ^二	
寅一辨 ^四	
卯一波羅蜜多行 ^二	
辰一標十種	前說六種波羅蜜多，及方便善巧波羅蜜多、願波羅蜜多、力波羅蜜多、智波羅蜜多，如是十種波羅蜜多，總名波羅蜜多行。
辰二釋後四 ^二	
巳一第一義 ^四	
午一方便善巧	如前所說十二行相方便善巧，當知說名方便善巧波羅蜜多。
午二願	如前所說五種大願，當知名願波羅蜜多。
午三力	所有十力加行清淨，當知名力波羅蜜多。
午四智 ^二	
未一釋自性	於一切法如實安立清淨妙智，當知名智波羅蜜多。

未二簡差別	今於此中，能取勝義無分別轉清淨妙慧，當知名慧波羅蜜多。能取世俗有分別轉清淨妙智，當知名智波羅蜜多。如是名為二種差別。
巳二第二義 ^四	
午一方便善巧	復有異門，謂無量智，當知說名方便善巧波羅蜜多。
午二願	希求後後智殊勝性，當知名願波羅蜜多。
午三力	一切魔怨不壞道性，當知名力波羅蜜多。
午四智	如實覺了所知境性，當知名智波羅蜜多。
卯二菩提分法行	四念住等所有一切三十七種菩提分法、四種尋思、四如實智，皆如前說，總名菩薩菩提分法行。
卯三神通行	如前所說威力品中，菩薩所有六種神通，是名神通行。
卯四成熟有情行	如前所說二種無量： 一、所調伏界無量，二、調伏方便界無量。及成熟品中所說一切成熟有情，總名菩薩成熟有情行。
寅二結	如是四種菩薩妙行，當知普攝一切菩薩所行善行。
丑二廣明施等 ^二	
寅一釋其度名	應知此中，施等十法，經三大劫阿僧企耶，長時修習乃圓證故；自性清淨體殊勝故；過餘一切世間聲聞、獨覺善根，攝受最勝菩提果故。如是十法最極長時乃能圓證，自性最極清淨殊勝，能得最極菩提妙果，是故說名波羅蜜多。
寅二顯建立義 ^二	
卯一明因緣 ^四	
辰一標	應知如是波羅蜜多，由三因緣次第建立。
辰二徵	何等為三？
辰三列	一、由對治故，二、由生起故，三、由異熟果故。
辰四釋 ^三	
巳一由對治 ^三	
午一徵	云何如是波羅蜜多，由對治故，次第建立？
午二釋 ^二	
未一舉前六	謂慳、惡行、於諸有情怨恨逼惱、懈怠、散亂、闇鈍愚癡，如是六法能障菩提，施等六法能為對治，如其所應，建立六種波羅蜜多。

未二攝所餘	當知所餘波羅蜜多即此所攝。
午三結	如是名為由對治故，次第建立。
巳二由生起 ^三	
午一徵	云何如是波羅蜜多，由生起故，次第建立？
午二釋	謂諸菩薩，先於財位無所顧戀，棄家諸欲，受淨尸羅。敬重戒故，能忍他惱，不惱於他。
	受持淨戒修習忍已，戒淨無動，無間無斷，於諸善品勤修加行。如是修習勤精進故，離諸放逸，能觸妙善心一境性。心得定故，如實了知，觀見一切所知境界。
午三結	當知是名由生起故，次第建立。
巳三由異熟果 ^三	
午一徵	云何如是波羅蜜多，由異熟果，次第建立？
午二釋 ^二	謂諸菩薩於現法中，精勤修學施等善法；由是因緣，於當來世獲得種種外妙珍財無不圓滿，
未一外事圓滿	當知是施波羅蜜多因力所作。
未二內事圓滿 ^三	
申一標	獲得內五自體圓滿，是餘戒等波羅蜜多因力所作。
申二徵	云何內五自體圓滿？
申三釋 ^五	謂善趣攝若天若人，於餘有情壽等殊勝，當知是名第一圓滿。
酉一壽等殊勝	若有俱生於善加行常無厭倦，堪忍他惱，不樂惱他，當知是名第二圓滿。
酉二性能堪忍	若有俱生普於一切所作事業堅固勇猛，當知是名第三圓滿。
酉三性勇相應	若有俱生性薄塵穢，於其自心能自在轉，心有堪能於一切義速證通慧，當知是名第四圓滿。
酉四性薄煩惱	若有俱生於一切義其慧廣大聰敏捷利，當知是名第五圓滿。
酉五性具聰敏	應知是名由異熟果，如是六種波羅蜜多次第建立。
午三結	
卯二唯六數 ^二	
辰一別配三學	由前四種波羅蜜多資糧、自性、眷屬、守護，當知圓滿修諸菩薩增上戒學；由其靜慮波羅蜜多，當知圓滿修諸菩薩增上心學；由其般若波羅蜜多，當知圓滿修諸菩薩增上慧學。
辰二結無過增	過此三上，更無菩薩學道可得，是故此三普攝一切菩薩學道。由此建立波羅蜜多唯有六種，除此無有若過若增。

<p>癸二明四應作^四 子一標 子二徵 子三列 子四配</p>	<p>又諸菩薩略有四種所應作事，由是普攝一切所作。 何等為四？ 一者、為證菩提修諸善行，二者、由此為先達真實義，三者、圓證威力，四者、成熟有情。 如是四種菩薩所作，當知是先所說四行，如其次第所為所立。是故過此，更不建立有諸餘行。</p>
-----------------------------------------------------------	------------------------------------------------------------------------------------------------------------------------------------